

Broj: P- 417-1  
Sarajevo, 31.01.2024.

**POSLOVNIK  
O RADU  
KOMISIJE ZA PROVOĐENJE KONKURSA  
ZA IZBOR I IMENOVANJE ČLANA  
ODBORA ZA REVIZIJU KJKP "PARK" D.O.O. SARAJEVO**

**Januar, 2024. godine**

Tel. Centrala: +387 33 560 560;  
Direktor: +387 33 560 570. 201-977;  
Fax: +387 33 560 561. 201-977;  
E-mail: info@park.ba;  
www.park.ba

Općinski sud u Sarajevu  
Broj sudskog registra UF/I-2558/05  
Porezni broj: 01071306;  
Matični broj: 20379383;  
Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047

U skladu s Odlukom o kriterijima, postupku i načinu predlaganja kandidata za članove Odbora za reviziju KJKP „Park“ d.o.o. Sarajevo, broj: P-6317.02-13-2/23, od 227.12.2023., Nadzorni odbor KJKP “Park“ d.o.o. Sarajevo, postupajući kao Komisija za provođenje konkursa za izbor i imenovanje člana Odbora za reviziju KJKP „Park“ d.o.o. Sarajevo, na 1. sjednici Komisije, održanoj 31.01.2024. godine, donosi

**P O S L O V N I K**  
**O R A D U**  
**KOMISIJE ZA PROVOĐENJE KONKURSA**  
**ZA IZBOR I IMENOVANJE ČLANA**  
**ODBORA ZA REVIZIJU KJKP “PARK“ D.O.O. SARAJEVO**

**I OPĆE ODREDBE**

**Član 1.**

**(Predmet)**

Ovim Poslovníkom uređuje se pripremanje, sazivanje, način rada i odlučivanja na sjednicama Komisije za provođenje konkursa za izbor i imenovanje članova Odbora za reviziju KJKP “Park“ d.o.o. Sarajevo (u daljem tekstu: Komisija).

**Član 2.**

**(Primjena)**

Primjena odredbi ovog Poslovníka obavezna je za sva lica koja prisustvuju sjednicama Komisije.

**Član 3.**

**(Načela)**

Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti i javnosti.

**Član 4.**

**(Pravni osnov)**

Komisija provodi postupak predlaganja kandidata za imenovanje članova Odbora za reviziju KJKP “Park“ d.o.o. Sarajevo u skladu s odredbama Odluke o općim i posebnim uslovima i kriterijima za izbor i imenovanje članova Odbora za reviziju KJKP “Park“ d.o.o. Sarajevo, broj: P-6317.02-13/23, od 27.12.2023., i Odlukom o kriterijima, postupku i načinu predlaganja kandidata za članove Odbora za reviziju KJKP “Park“ d.o.o. Sarajevo, broj: P-6317.02-13-2/23, od 27.12.2023. godine.

## **II KOMISIJA**

### **Član 5.**

#### **(Sastav)**

- (1) Komisija je sastavljena od tri člana: predsjednika i dva člana.
- (2) Komisija ima sekretara koji obavlja administrativne poslove po nalogu predsjednika Komisije.

### **Član 6.**

#### **(Način rada)**

- (1) Komisija radi u pravilu u punom sastavu, a obavezno radi u punom sastavu prilikom intervjua s kandidatima koji su ušli u uži izbor.
- (2) Komisija odlučuje o pitanjima iz svoje nadležnosti većinom glasova, a za svaku odluku smatra se da je donesena ako su za nju glasala najmanje dva člana Komisije.
- (3) Sjednice se održavaju na zahtjev predsjednika Komisije koji vodi sjednice i potpisuje sve donesene odluke.
- (4) O svom radu Komisija vodi zapisnik koji je sastavni dio dokumentacije, a isti potpisuju svi članovi Komisije.
- (5) Zapisnik sa sjednice Komisije sadrži redni broj, vrijeme, datum i mjesto održavanja sjednice, imena prisutnih članova, imena odsutnih članova Komisije, dnevni red, tok rasprave na sjednici s imenima osoba koje su sudjelovale, donesene odluke po pojedinim tačkama, te konstatacije koje je Komisija utvrdila o određenom pitanju.
- (6) O čuvanju zapisnika brine se sekretar Komisije.

### **Član 7.**

#### **(Ocjena)**

- (1) Nakon intervjua, Komisija će izvršiti ocjenu kandidata.
- (2) Svaki član Komisije će kandidata ocijeniti s ocjenom od 0 do 5, a ocjene svih članova Komisije dati će prosječnu ocjenu koja će biti konačna ocjena kandidata.
- (3) Komisija će Skupštini KJKP „Park“ d.o.o. Sarajevo putem pisane preporuke predložiti rang listu najboljih kandidata na osnovu prosječne ocjene i dostaviti istu na dalje razmatranje.
- (4) Pisana preporuka sadrži sve relevantne informacije o kandidatima do kojih je Komisija došla u svom radu, te samu preporuku.
- (5) Smatra se da je kandidat koji se nalazi na prvom mjestu na rang listi i koje je Komisija preporučila, najuspješnije prošao otvorenu konkurenciju.
- (6) Ukoliko Komisija ocjeni da kandidati nisu zadovoljili uslove shodno utvrđenim kriterijima i općem dojmu, odnosno ukoliko prosječna ocjena kandidata bude niža od 3,5 postupak izbora kandidata će se ponoviti nakon poništenja javnog oglasa.
- (7) Nakon što Komisija dostavi prijedlog rang liste, Skupština će izvršiti imenovanje članova Odbora za reviziju.

### **Član 8.**

#### **(Zamjena)**

Ukoliko je predsjednik ili neki od članova Komisije privremeno trajno ili u dužem periodu spriječen da vrši svoju dužnost ili podnese ostavku na svoje članstvo u Komisiji, predsjednik ili jedan od članova Komisije obavještava Skupštinu Preduzeća radi imenovanja novog člana na tu dužnost.

### **Član 9.**

#### **(Obaveza upoznavanja)**

Kandidati koji budu pozvani na intervju biće poznati sa sastavom Komisije.

### **Član 10.**

#### **(Mjesto rada i sredstva za rad Komisije)**

- (1) Komisija će provoditi postupak u prostorijama KJKP „Park“ d.o.o. Sarajevo, na adresi ulica Patriotske lige broj 58.
- (2) Sredstva za rad i druge uvjete potrebne za rad Komisije osigurat će KJKP „Park“ d.o.o. Sarajevo.

### **Član 11.**

#### **(Pozivanje)**

Kandidati koji uđu u uži izbor pozivaju se putem telefona, elektronskom poštom ili pismenim putem.

## **II PREGLED PRIJAVA I INTERVJU**

### **Član 12.**

#### **(Pregled prijava i uži izbor)**

- (1) Nakon zatvaranja konkursa Komisija će razmotriti pristigle prijave na javni konkurs u smislu ispunjavanja općih i posebnih uslova, te neuredne, nepotpune i neblagovremene prijave odbaciti o čemu će obavijestiti kandidate.
- (2) Prijave kandidata koje su uredne i ispunjavaju uslove konkursa Komisija će razmotriti i sačiniti listu s užim izborom kandidata.
- (3) Komisija će u skladu s odredbama Odluke o općim i posebnim uslovima i kriterijima za izbor i imenovanje članova Odbora za reviziju KJKP „Park“ d.o.o. Sarajevo i Odluke o kriterijima, postupku i načinu predlaganja kandidata za izbor članova Odbora za reviziju KJKP „Park“ d.o.o. Sarajevo sastaviti listu s užim izborom najboljih kandidata koji ispunjavaju kriterije za imenovanje.
- (4) Nijedan kandidat neće biti stavljen na listu s užim izborom ukoliko nije povoljno ocjenjen prema kriterijima za imenovanje.

### **Član 13.**

#### **(Pozivanje na intervju)**

- (1) Komisija je dužna sve kandidate koji su ušli u uži izbor pozvati na intervju.
- (2) Prilikom pozivanja kandidata na intervju svaki kandidat koji je ušao u uži izbor mora ispuniti izjavu o prihvatanju kandidature i obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.
- (3) Komisija će prije intervjuja zahtijevati od kandidata koji su ušli u uži izbor da daju podatke o odgovarajućem broju ranijih rukovodilaca od kojih se mogu dobiti preporuke i informacije o kandidatima.
- (4) Komisija je dužna da utvrdi pitanja koja će postavljati kandidatima koji su pozvani na intervju.

(5) Prilikom intervjua osigurat će se da su svi kandidati upoznati sa standardima ličnog integriteta koji se traže za lica imenovana na javnu poziciju, da su pitanja o sukobu interesa objašnjenja i detaljno razmotrena sa svim kandidatima i da su svi kandidati detaljno upoznati o pravu javnosti putem mehanizama navedenih u zakonu.

**Član 14.**  
**(Intervju)**

- (1) Komisija obavlja intervju sa svakim kandidatom pojedinačno u vremenskom trajanju od 10 do 15 minuta.
- (2) Komisija radi po principu postavljanja pitanja.
- (3) Intervju je eliminatoran.

**Član 15.**  
**(Ocjena)**

- (1) Nakon intervjua komisija će izvršiti ocjenjivanje kandidata.
- (2) Svaki član Komisije će kandidata ocijeniti s ocjenom od 0 do 5, a ocjene svih članova Komisije date svakom kandidatu dati će prosječnu ocjenu koja će biti konačna ocjena tog kandidata.

**Član 16.**  
**(Lista kandidata)**

- (1) Komisija će putem pisane preporuke predložiti rang listu najboljih kandidata na osnovu prosječne ocjene i istu dostaviti Skupštini Preduzeća na daljnje razmatranje.
- (2) Pisana preporuka sadrži sve relevantne informacije koje komisija ima o kandidatima i njene preporuke.
- (3) Smatra se da su kandidati koji se na rang listi nalaze na prvom mjestu i koje je Komisija preporučila najuspješnije prošao otvorenu konkurenciju.
- (4) Nakon što Komisija dostavi prijedlog rang liste, Skupština Preduzeća izvršiti će imenovanje člana Odbora za reviziju.

**Član 17.**  
**(Izvještaj o radu)**

Predsjednik Komisije dužan je da po okončanju navedenih aktivnosti dostavi Skupštini Preduzeća Izvještaj o radu Komisije.

### **III ZAVRŠNE ODREDBE**

**Član 18.**  
**(Sekretar komisije)**

Stručne administrativne i tehničke poslove za rad Komisije obavlja sekretar Komisije.

**Član 19.**  
**(Izmjene i dopune)**

Izmjene i dopune ovog Poslovnika donose se na isti način koji je propisan za donošenje ovog Poslovnika.

**Član 20.**

**(Stupanje na snagu)**

Ovaj Poslovnik stupa na snagu danom donošenja, a primjenjivat će se do završetka procedure predlaganja kandidata za izbor članova Odbora za reviziju.

Broj: P- 417-1

Sarajevo, 31.01.2024.

  
PREDSJEDNIK KOMISIJE

